

HÄNG MED

SPRÅKTÅGET!



POKLON KARTA
ČHIBJAKORO
PAMPURI!

Resanderomani

Te čitinipe hem te dikhenpe knjige čavencar šaj te ovel hem radosno hem priyatno. Odova čerola o čao te sikljo i čib pošukar. Keda čitinena hem čerena lafi odolestar so desinipe ko knjige bajračeri e čavenskiri fantazija. O čavo sikljola isto te koncentririnenpe hem te čerol lafi javerencar.

Čitinena zajedno!

- E čaveskiri čib bajračeri e buteder keda tano zajedno javerencar.
- Mukh e čave te ovel aktivno keda čitinena zajedno.
- Šun e čaveskere lafija hem zvukija.
- Dikh ked o čavo mrdinola.
- Mukh e čave te odlučini kozom sigate tumen ka čitinen.

1



2

Birin knjiga!

- Birin knjige soj e čaveske uzbudljivo hem interesantno.
- O knjige na valjani te oven but phare e čaveske.
- Rode pomoč ki biblioteka ako tuče i phare te birine knjiga.
- Ki biblioteka šaj te uzajmine o knjige bizo pare.



3

Čer o vakti čitibasko te ovel priyatno!

- Šukar ka ovel ako čitineja sakova dive.
- Dikh o slike hem čitin o teksti.
- Pregledin i knjiga hem čer lafi kotar odova so interesini e čave.
- Bešen paše jek uzo javereste te ovel tumen kontakt e teloja/trupca hem dikhen tumen jačencar.
- Birin jek than kote so javer nane te smetini tumen.
- Tumen na valjani te čitinen celi knjiga.

4

”Čitin čeribaja lafi” hem dikh o slike

- Vačer te lafencar so desinipe ki knjiga.
- Upotrebini različno glasia.
- Čer tlo glaso hem mrdin.
- Sikav vastea ko slike.
- Vačer kotar o slike.



5

Vačeren zajedno!

- Mukh e čhave isto te vačeri keda čitinena. O čhavo šaj te dodaini lafija hem rečenice ja te odgovorini ko pučibe. Na primer: ”So mislineja so ka desinipe poslem? Soske oj vačerdža adžahar?”
- Šaj te ponovine odova so o čhavo mothovi. Na primer: ”A oja čače, i ričini(mečka) ulji tužno”.
- Keda več čitindžen jek knjiga više puti, šaj o čhavo te vačeri, so desinipe keda ka dikhen ko slike.



6

Čitin, giljav hem mothov ke čhaveskere sa o čibjiba

- O čhave sikljenena više lafija keda čitinipe knjige, vačeripe hem giljavipe lenge.
- Tikne čhave šaj te sikljenen buteder čibja taro jek far. Upotrebinen sare tumare čibja!

7

Ava amencar ko čibjakoro pampuri!

E čhavengere knjigencar šaj te pomožine e čhave te bajrečeri

- i čib te razumini
- buteder lafia,vokabulari
- gramatika
- te izgovirini šukar o lafija

Pučki biblioteka te den tut predlog save knjige te čitine zajedno te čhavea!

Bizo pare
uzajminipe knjige
ki biblioteka.
Šukar aljan!

E čhibjakoro pampuri dela savetia hem predlogia e jerijenge/roditeljenge hem javerenge soj paše e čavencar aso sar e čavengoro čeribe lafi- hem čibjakoko barjačeribe te stimulirinipe. E čibjakoro pampuri ačhola ko razno stanice kote so o čavo šaj te bajračeri razno kotora kotar ple čibja. Disave valjani te ačhoven buteder vakti ki dajek stanica, javera šaj te produžinen hem te džan posigate. Sare šaj te ukljen ke čibjakoro pampuri!

E čibjakoro pampuri tano suradžibe maškar o biblioteke, logopedie, e čavengiri sastipaski nega ko Stockholm. O teksti tano čerdo kozar o logopedia i Elvira Ashby hem Linnea Anderberg kola so suradžije e Regionbibliotek Stockholm.